

**SYARAT-SYARAT LESEN HIBURAN DAN TEMPAT-TEMPAT HIBURAN
DI BAWAH ENAKMEN NO. 12 TAHUN 2002 DAN KAEDAH-KAEDAH
HIBURAN DAN TEMPAT-TEMPAT HIBURAN 2003**

1. Lesen Hendaklah Dipamerkan :

Hendaklah pada setiap masa mempamerkan di tempat ketara di tempat hiburan :
 - a. lesen berkenaan dengan tempat hiburan itu ; dan
 - b. lesen berkenaan dengan hiburan yang diadakan di tempat hiburan itu.
2. Mengadakan dan menguruskan suatu tempat letak kereta yang sesuai di sekitar tempat hiburan.
3. Hendaklah pada setiap masa menjaga kebersihan tempat hiburan.
4. Hendaklah mengawasi paras bunyi yang disebabkan oleh hiburan yang disediakan dan memastikan bahawa bunyi demikian tidak mewujudkan sesuatu kacauganggu.
5. Kemudahan Tandas :
 - a. Terdapatnya kemudahan tandas yang berasingan bagi lelaki dan perempuan dan diselenggara dalam keadaan baik dan bersih pada setiap masa.
 - b. Tandas dilengkapi dengan paip, baldi dan hos untuk memudahkan pembersihan.
 - c. Hendaklah pada setiap masa dilengkapi kertas tandas, sabun atau bahan pencuci, tong sampah, pengering elektrik, tuala bersih atau kertas tisu.
 - d. Jika pencahayaan asli tidak mencukupi, maka pencahayaan buatan hendaklah disediakan pada setiap masa.
 - e. Bekalan air yang mencukupi hendaklah ada pada setiap masa.
6. Hendaklah menyediakan dan menyelenggara dalam keadaan baik pada setiap masa satu kotak pertolongan cemas yang sesuai yang mengandungi pembalut dan alat-alat pertolongan cemas lain-lain.
7. Keselamatan Orang Awam :
 - a. Hendaklah memastikan bahawa pembinaan premis, susunan tempat duduk, keperluan-keperluan pasukan bomba dan pemasangan pencahayaan, elektrik, gantian udara dan mekanikal adalah mengikut undang-undang.
 - b. Hendaklah memastikan bahawa semua alat pencegahan kebakaran diselenggara dengan wajar dan dalam keadaan boleh digunakan dengan baik.
 - c. Hendaklah memastikan semua tangga, laluan, pelantar dan jalan keluar adalah bebas daripada halangan dan semua pintu keluar adalah sentiasa tidak dikunci pada setiap masa waktu pengendalian.
8. Hendaklah mengambil segala langkah yang perlu dan sesuai untuk memastikan bahawa terdapatnya gantian udara itu dijaga dalam keadaan boleh digunakan dengan baik pada setiap masa.

9. Tiada warung, gerai atau struktur lain boleh dibina di dalam tempat hiburan melainkan dibenarkan dan diluluskan oleh Pegawai Pelesenan.
10. Tiada warung, gerai atau struktur lain yang terletak dalam sesuatu tempat hiburan boleh digunakan bagi apa-apa perdagangan, perniagaan atau hiburan atau sebagai establisment makanan tanpa sesuatu lesen yang dikeluarkan terlebih dahulu.
11. Tiada hiburan selain daripada yang dinyatakan dalam lesen hiburan boleh dibenarkan dalam tempat hiburan.
12. Bilangan mesin bagi apa-apa permainan yang dibenarkan dalam tempat hiburan tidak boleh melebihi bilangan yang dinyatakan dalam lesen.
13. Tidak boleh membenarkan lebih daripada bilangan orang yang dinyatakan dalam lesen untuk memasuki atau berada di dalam tempat hiburan.
14. Hendaklah memastikan bahawa pelakon-pelakon dalam sesuatu hiburan yang diadakan berpakaian sopan.
15. Tiada radas yang berupaya membuat pelarasan boleh digunakan dalam apa-apa permainan untuk mengubah peluang seseorang pemain daripada mencapai tujuannya.
16. Hendaklah hanya mengendalikan tempat hiburan dalam tempoh masa yang dinyatakan dalam lesen iaitu dihidang kepada pukul **12.00 tengah malam sahaja**.
17. Had Umur Pelanggan :
 - a. Tiada orang dibawah umur boleh dibenarkan masuk atau berada di tempat hiburan.
 - b. Hendaklah mempamerkan di pintu masuk tempat hiburan satu notis yang mengandungi maklumat dan larangan had umur pelanggan.
 - c. Jika kanak-kanak dibawah umur 12 tahun dibenarkan untuk memasuki tempat hiburan, hendaklah memastikan bahawa kanak-kanak itu disertai bersama ibubapa, penjaga yang sah atau seorang dewasa dan hanya dibenarkan mengunjungi atau berada di dalam tempat hiburan sehingga pukul 10.00 malam sahaja.
 - d. Hendaklah memastikan mana-mana pelajar yang berpakaian seragam sekolah tidak dibenarkan mengunjungi atau berada di dalam tempat hiburan pada bila-bila masa.
18. Larangan :
 - a. Hendaklah memastikan bahawa tiada apa-apa aktiviti tidak sihat atau maksiat boleh dibenarkan berlaku di dalam tempat hiburan pada bila-bila masa.
 - b. Hendaklah memastikan tiada bir atau minuman memabukkan atau mana-mana minuman yang dilarang dihidang atau diminum di tempat hiburan.
 - c. Tiada hiburan yang lucah boleh dibenarkan di dalam tempat hiburan.
 - d. Tiada orang yang mabuk boleh dibenarkan memasuki atau berada di dalam tempat hiburan.
 - e. Hendaklah memastikan bahawa tiada pertaruhan, loteri atau perjudian sebagaimana yang ditafsirkan dalam Akta Rumah Perjudian Terbuka 1953 (Akta 289) atau Ordinan Pertaruhan 1953 (ord. 47/1953) dijalankan dalam tempat hiburan.

- f. Hendaklah memastikan bahawa tiada mana-mana pekerja rakyat asing dibenarkan bekerja di tempat hiburan tanpa permit kerja.
 - g. Hendaklah memastikan bahawa tempat hiburan berkeadaan terbuka daripada sistem pencahayaan yang terang dan penggunaan cermin gelap adalah dilarang pada bila-bila masa.
18. Hendaklah memastikan bahawa tempat hiburan dijadikan sebagai kawasan larangan merokok, melainkan di suatu tempat berasingan yang khususkan untuk berbuat demikian.
19. Tempoh Masa Hiburan Yang Tidak Dibenarkan :

Tiada hiburan atau tempat hiburan boleh dibuka untuk pengendalian atau operasi bagi tempoh masa yang dinyatakan di bawah ini, melainkan terlebih dahulu mendapat kebenaran daripada Duli Yang Maha Mulia Sultan :

- a. Malam Jumaat : Daripada pukul 6.00 petang hari khamis hingga pukul 3.00 petang hari jumaat.
- b. Hari Maulud Nabi : Daripada pukul 6.00 petang hari sebelumnya hingga pukul 6.00 petang hari itu.
- c. Hari Mi'raj : Daripada pukul 6.00 petang hari sebelumnya hingga pukul 6.00 petang hari itu.
- d. Hari Nisfu Syaaban : Daripada pukul 6.00 petang hari sebelumnya hingga pukul 6.00 petang hari itu.
- e. Hari Pertama Raya Puasa (Aidilfitri) : Daripada pukul 6.00 petang hari sebelumnya hingga pukul 2.00 petang hari itu.
- f. Hari Pertama Raya Aidul Adha : Daripada pukul 6.00 petang hari sebelumnya hingga pukul 9.30 malam hari itu.
- g. Hari Dalam Bulan Ramadhan : Daripada pukul 6.00 petang hingga pukul 9.30 malam.
- h. Awal Muharram (Maal Hijrah) : Daripada pukul 6.00 petang hari sebelumnya hingga pukul 3.00 petang hari itu.

20. Mematuhi apa – apa arahan lisan atau bertulis yang dikeluarkan dari semasa ke semasa.

Penafian :

Pihak Majlis Daerah Marang tidak akan bertanggungjawab terhadap sebarang kemalangan, kehilangan, kerugian, ganti rugi atau tuntutan yang muncul daripada aktiviti di premis perniagaan

Peringatan :-

Premis atau mana – mana bahagian premis hendaklah dipastikan tidak berada di dalam rezab jalan. Kegagalan untuk mematuhi kehendak ini atau mana – mana syarat yang dinyatakan di atas adalah menjadi suatu kesalahan dan membolehkan lesen yang dikeluarkan digantung, dibatal atau ditarik balik pada bila – bila masa.